



# NEWSLETTER BR. 27

JAUNAR 2017

## SADRŽAJ

### FIPA AKTIVNOSTI ≡

- » Novi ministar privrede ZDK posjetio FIPA-u
- » FIPA učestvovala na trilateralnom privrednom forumu Kraljevina Saudijska Arabija-Srbija-Bosna i Hercegovina
- » FIPA učestvovala na Ekonomskom forumu u Poljskoj
- » FIPA potpisala Sporazum o suradnji sa NVO Horizont 2024
- » FIPA i Ministarstvo okoliša i turizma FBiH
- » Sastanak FIPA i CBBiH
- » Predstavnici FIPA-e posjetili Općinu Lopare

### POSLOVNE VIJESTI ≡

- » Osniva se Privredni savez Bosne i Hercegovine
- » Italijanski investitor kreće sa izgradnjom proizvodnih objekata u Usori
- » Bh. proizvođači namještaja u Kelnu ostvarili preko 220 poslovnih kontakata

# FIPA AKTIVNOSTI ≡



NOVI MINISTAR PRIVREDE ZDK POSJETIO FIPA-U



FIPA UČESTVOVALA NA TRILATERALNOM PRIVREDNOM FORUMU KRALJEVINA SAUDIJSKA ARABIJA-SRBIJA-BOSNA I HERCEGOVINA ≡



...I JOŠ FIPA AKTIVNOSTI...



## NOVI MINISTAR PRIVREDE ZDK POSJETIO FIPA-U



Novi ministar privrede Zeničko-dobojskog kantona Zlatko Jelić je posjetio FIPA-u radi dogovora o nastavku suradnje na identificiranju novih investicionih projekata, koji bi se potom prezentirali zainteresiranim potencijalnim stranim investitorima u BiH i inostranstvu.

Direktor FIPA Gordan Milinić je informirao ministra Jelića o suradnji koju FIPA ima sa općinama ZDK dugi niz godina (koje su u isto vrijeme i članice Suradničke mreže za podršku stranim investitorima u BiH), o zajedničkom radu na uklanjanju prepreka stranim investitorima koji posluju na ovom području, kao i o posjetama investicionim lokacijama koje je FIPA organizirala za strane ulagače u 2016. godini. FIPA u svojoj bazi podataka trenutno ima 6760 potencijalnih stranih investitora sa kojima redovno održava kontakte i nudi im investicione projekte iz BiH, a među njima i projekte iz ZDK.

Ministar Jelić je istakao potrebu za novim investicijama u ovom kantonu. Donošenje Zakona o javno-privatnom partnerstvu pruža ZDK nove mogućnosti za privlačenje stranih ulagača.

Dogovoreno je da Ministarstvo privrede ZDK podstakne pripremu novih investicionih projekata u raznim granama privrede, kako bi i FIPA imala bogatiju ponudu za strane investitore sa područja Zeničko-Dobojskog kantona. Obje institucije će se angažirati na osmišljavanju zajedničkih manifestacija sa ciljem prezentiranja stranim investitorima mogućnosti za ulaganja, kao i jačanju suradnje sa potencijalnim investitorima iz dijaspore porijeklom sa ovog područja.





## FIPA UČESTVOVALA NA TRILATERALNOM PRIVREDNOM FORUMU KRALJEVINA SAUDIJSKA ARABIJA-SRBIJA-BOSNA I HERCEGOVINA



Blaženka Mišković, zamjenik direktora Agencije za unapređenje stranih investicija BiH (FIPA), učestvovala je u dvodnevnoj posjeti zajedničke delegacije zvaničnika i privrednika iz Bosne i Hercegovine i Republike Srbije 29. i 30. januara Kraljevini Saudijskoj Arabiji.

Prvi dan posjete, delegacije dvije zemlje su održale sastanke sa ministrima Ministarstva okoliša, vodoprivrede i poljoprivrede, Ministarstva trgovine i investicija, Ministarstva građevine i stanogradnje i Komisije za turizam i nacionalnu baštinu Kraljevine Saudijske Arabije pod pokroviteljstvom Sultana bin Salmana al Sauda.

U Ministarstvu okoliša, vodoprivrede i poljoprivrede održan je sastanak sa kompanijom SALIC, najvećom državnom firmom u oblasti poljoprivrede.

Drugi dan posjete održan je trilateralni forum Saudijska Arabija-Srbija-Bosna i Hercegovina u okviru kojeg je gđa. Mišković održala prezentaciju o mogućnostima ulaganja u BiH sa naglaskom na sektore drvne industrije, poljoprivrede, metalnog sektora, energetike i turizma.

Ostvareni su brojni kontakti sa privrednicima Saudijske Arabije koji su iskazali interes za ulaganje u BiH.

U delegaciji Bosne i Hercegovine bili su i predstavnici devet bosanskohercegovačkih kompanija iz metalnog sektora, prehrambene industrije, itd.



## FIPA UČESTVOVALA NA EKONOMSKOM FORUMU U POLJSKOJ



Direktor Agencije za unapređenje stranih investicija u BiH (FIPA) Gordan Milinić učestvovao je na Ekonomskom forumu koji se održao u periodu od 27. do 28. januara 2017. godine u Rzeszów-u u Poljskoj.

Kao učesnik panela o poslovnoj klimi i investicijama, direktor Milinić je govorio o prednostima BiH za strane investicije, FIPA promotivnim aktivnostima i komunikaciji sa potencijalnim i postojećim investitorima, te o aktivnostima Agencije na unapređenju poslovnog ambijenta. Uz prisustvo političkih lidera i investitora iz cijele Europske unije, na panelu se također govorilo o borbi protiv korupcije, unapređenju poslovne klime, investicijskoj infrastrukturi, finansiranju investicija i ulozi EU u podsticanju investiranja.

Zaključeno je da brži proces pristupanja Bosne i Hercegovine Europskoj uniji svakako može doprinijeti intenziviranju ulaganja i političkoj stabilnosti, kao jednoj od trenutno najvećih prepreka u BiH za značajnija ulaganja. Također je obavio niz razgovora sa zainteresiranim investitorima i predstavnicima međunarodnih institucija, a poseban interes je pokazan za spa i medicinski turizam u BiH.



## FIPA POTPISALA SPORAZUM O SURADNJI SA NVO HORIZONT 2024



Prepoznajući značaj nevladinog sektora za socijalni i ekonomski razvoj Bosne i Hercegovine, FIPA je potpisala Sporazum o suradnji sa Savezom za podršku ekonomskog i socijalnog razvoja Horizont 2024.


Potpisivanjem ovog Sporazuma FIPA i Savez, zajedno sa drugim institucijama i organizacijama, će biti partneri u organizaciji i realizaciji regionalnog projekta "Regionalni forum za tržište, investicije i statistiku - TIS" koji ima za cilj iniciranje suradnje određenih institucija u regiji u izradi i organizaciji konkretnih regionalnih projekata i razmjenu iskustava iz oblasti tržišta, investicija, statistike i NVO sektora. Također, ovaj dokument predviđa suradnju na podršci za izradu startegija, planova i projekata u razvoju u ekonomskoj i socijalnoj oblasti kroz istraživački i analitički rad. Partneri će između ostalog zajednički nastupati u dogovorenim projektima ka donatorima, sponzorima, fondovima i drugim institucijama na principu partnerske suradnje.

Jedan od bitnih instrumenta za realizaciju ove inicijative je organizacija konferencija i okruglih stolova regionalnog karaktera, na teme tržišta, investicija i statistike sa ciljem dalje afirmacije mogućnosti regionalnih tržišta i mogućnosti za ulaganja.





## FIPA I MINISTARSTVO OKOLIŠA I TURIZMA FBIH



Direktor Agencije za unapređenje stranih investicija BiH (FIPA) Gordan Milinić i ministrica Ministarstva okoliša i turizma FBIH Edita Dapo sastali su se radi dogovora o zajedničkom radu na privlačenju stranih investitora u projekte iz turizma i zaštite okoliša, i organiziranja zajedničke promocije trenutno raspoloživih projekata iz ovih oblasti.

Osvrćući se na trendove priliva stranih ulaganja u BiH posljednjih godina, g. Milinić je istakao činjenicu da su političke turbulencije u drugom i trećem kvartalu 2016. godine (organiziranje referenduma u funkciji predizborne kampanje SNSD, te s tim u vezi pominjanje secesije i rata od strane nekih stranaka) direktno vezane za pad priliva stranih ulaganja, jer su u tom periodu potencijalni investitori na početku sastanaka obavezno prvo postavljali pitanja o političkoj situaciji i izražavali brigu za kapital koji bi eventualno investirali. Govoreći o aktivnostima FIPA na promociji BiH kao investicione lokacije, direktor Milinić je istakao između ostalog da sama promocija ne može nadoknaditi nedostatke sistema, te da se sve nadležne institucije trebaju angažirati na uklanjanju prepreka za lakše poslovanje u našoj zemlji. FIPA u svojoj bazi kontakata posjeduje 6.700 potencijalnih investitora sa kojima razgovara kroz različite komunikacijske kanale o mogućnostima ulaganja i koje FIPA želi animirati da pokažu veći interes za bh. projekte. Među preko 500 investicionih projekata i lokacija koje FIPA nudi stranim investitorima, je i veći broj projekata iz oblasti turizma, za koje postoji veliki interes stranih investitora. Ministrica je predstavila informaciju o 100 investicionih projekata Vlade FBIH među kojima se nalaze projekti iz oblasti turizma i okoliša, te da Ministarstvo na čijem je čelu, trenutno radi studiju o kreiranju reciklažnih dvorišta u FBIH. Konstatirano je da u nizu investicionih projekata problemi ekološke prirode koče brži ulazak stranih investitora, među kojima su i neki energetske projekti vrijedni više milijardi KM.

Dogovoreno je da FIPA i Ministarstvo zajednički učestvuju na konferencijama gdje se promoviraju projekti iz oblasti turizma i okoliša i nastoje privući što veći broj stranih investitora, te da se u ovoj godini organizuje i Investiciona konferencija o ulaganjima u turizam u Bosni i Hercegovini.



## PREDSTAVNICI FIPA-E POSJETILI OPĆINU LOPARE



Direktor Agencije za unapređenje stranih investicija BiH (FIPA) Gordan Milinić sa suradnicima posjetio je Općinu Lopar gdje se susreo sa načelnikom Radom Savićem, predsjednikom Skupštine općine Lopar Milenkom Ristićem, te investitorom i podpredsjednikom Udruženja Majevičana u Švicarskoj Stojanom Stevanovićem.

G. Milinić je informirao prisutne o aktivnostima FIPA-e i promotivnim aktivnostima koje Agencija provodi na privlačenju stranih investicija. FIPA je nedavno organizirala potencijalnom stranom investitoru posjetu lokacijama za ulaganje u Općini Lopare, a također u bazi projekata ima i projekte ove Općine koje između ostalog nudi u direktnim susretima sa investitorima. Načelnik je informirao predstavnike FIPA-e o novim projektima kojima raspolažu i za koje se traže potencijalni investitori, kao i o mogućim greenfield i brownfield lokacijama za ulaganje.

Općina posjeduje potencijale za poljoprivredu i proizvodnju hrane, zatim drvo i metalo-prerađivački sektor, te hemijsku industriju. G. Stevanović je pored ulaganja i biznisa u Švicarskoj, pokrenuo i nekoliko projekata na području ove Općine, poput ulaganja u turizam i ugostiteljstvo, nekretnine i poljoprivredu, a predstavio je i novi projekat proizvodnje drvenog i roštiljskog uglja, za koji postoji veliki interes posebno na tržištu EU.

FIPA će pružiti tehničku podršku za izradu projekta, kao i njegovu promociju u cilju pronalaska potencijalnih stranih investitora, te je dogovorena daljna suradnja sa g. Stevanovićem u organizaciji i učešću na sajmovima i skupovima dijaspore. Inače predstavnik FIPA je ostvario kontakt sa g. Stevanovićem u toku „Forum dijaspore BiH u Švicarskoj“ održanog 26. novembra 2016. godine u organizaciji nevladine organizacije „i-platform – Dijaspora za razvoj Bosne i Hercegovine“ u suradnji s Agencijom za razvoj Švicarske (SCD).





## SASTANAK FIPA I CBBiH



Direktor Agencije za unapređenje stranih investicija u BiH (FIPA) Gordan Milinić sa suradnicima i članom Upravnog odbora FIPA-e posjetio je Centralnu banku BiH.

Na sastanku G. Milinić je upoznao guvernera dr. Senada Softića i suradnike o aktivnostima Agencije na polju privlačenja stranih investitora i na podršci koju Agencija pruža investitorima od pokretanja djelatnosti do okončanja projekta. Naglasio je da su glavni ciljevi FIPA-e dovođenje što je moguće više stranih investitora i značajnije povećanje priliva direktnih stranih ulaganja. Stoga je Agencija intenzivirala rad i pokrenula aktivnosti u čvrstom opredjeljenju da pruži maksimalan doprinos da Bosna i Hercegovina postane bolje mjesto za sigurno investiranje.

Guverner Softić naglasio je značaj unapređenja suradnje svih institucijana poboljšanju priliva stranih ulaganjai na polju promocije Bosne i Hercegovine kao destinacije interesantne stranim investitorima. Istaknuta je i važnost uključivanja svih relevantnih subjekata u prezentiranju podataka koji utiču na formiranje ukupne slike o BiH i služe kao indikator kod donošenja odluke o investiranju.

Razgovaralo se o sveobuhvatnoj statistici koju vodi Centralna banka BiH, kao jednoj od važnih funkcija, naročito o statistici direktnih stranih ulaganja, koja zauzima važno mjesto u aktivnostima FIPA-e. Agencija je informirana o unapređenju statistike koji se odnosi na ovu oblast i dogovorena je razmjena podataka u nastavku dobre suradnje dvije institucije.

Imajući u vidu trend pada stranih investicija u BiH u posljednjih nekoliko godina, učesnici sastanka su se složili da je privlačenje stranih investicija važan zadatak svih institucija BiH.

# POSLOVNE VIJESTI ≡



OSNIVA SE PRIVREDNI SAVEZ BOSNE I HERCEGOVINE



RENEXPO BIH



...I JOŠ FIPA POSLOVNIH VIJESTI...



## OSNIVA SE PRIVREDNI SAVEZ BOSNE I HERCEGOVINE

Na sastanku u generalnom konzulatu Bosne i Hercegovine u Frankfurtu na Majni, devet predstavnika privrede i međunarodne politike su 16. januara zajednički krenuli putem osnivanja Privrednog saveza Bosne i Hercegovine. Na osnivačkoj skupštini je za predsjednika izabran diplomirani ekonomist Clarsen Ratz iz Thüringena. Ratzovi zamjenici su Franjo Akmadža i Mario Šušak, predstavnici Hrvatskog privrednog saveza u Njemačkoj (KWVD e.V.).

Svrha udruženja je unapređenje bosanskohercegovačkih i njemačkih ekonomskih odnosa, kao i podrška privredi BiH. Predstavnici Predsjedništva Bosne i Hercegovini koji su prisustvovali osnivanju, podržat će buduće aktivnosti Privrednog saveza kako bi što više informacija o prednostima geografskog položaja zemlje kandidata za pristupanje EU, bilo prezentirano njemačkim poduzećima.

Za 26. septembar 2017. godine je u okviru inicijative BiH2world planiran drugi Privredni dan koji će se ovaj put održati u Stuttgartu. Sljedeći mjesec pokreće se stranica [www.bihwv.de](http://www.bihwv.de) na kojoj će biti predstavljeni članovi Saveza, te Privredni dan 2017.





## ITALIJANSKI INVESTITOR KREĆE SA IZGRADNJOM PROIZVODNIH OBJEKATA U USORI

Italijanski investitor Ferretto Group Central Europe pokrenuo je izgradnju proizvodnih pogona u poduzetničkoj zoni „Lugovi“ na površini od 12.000 m<sup>2</sup>. Investitor posluje u oblasti metalnog sektora.



## BH. PROIZVOĐAČI NAMJEŠTAJA U KELNU OSTVARILI PREKO 220 POSLOVNIH KONTAKATA

Kompanije iz BiH koje su učestvovalе na Međunarodnom sajmu namještaja i enterijera IMM u Kelnu ostvarile su više od 220 poslovnih kontakata s partnerima iz 48 zemalja Europe i svijeta.

Svoje izvozne kolekcije predstavljalo je sedam bh. firmi, i to: Boksit a.d. Milići, Bosnian Beach Board d.o.o. Visoko, FEF Export-Import d.o.o. Sarajevo, H.M.M. d.o.o. Gradačac, Lignacon d.o.o. Teslić, Namještaj/Solidwood d.d. Gradačac i Woodteam d.o.o. Ilijaš.

Značaj izlaganja na sajmu u Njemačkoj pokazuje podatak da je u 2016. Bosna i Hercegovina dostigla nivo izvoza namještaja od oko 250 miliona eura, od čega je trećina bio izvoz upravo u Njemačku.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)



A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)